

গুজরাট ২০০২

(উৎসর্গ বণ দাস)

এর থেকে ভূমিকম্প ছিল সে-ও ভালো
প্রকৃতির রোষ শেষে, যুদ্ধকালীন বেগে
পুনর্নির্মাণ।
প্রাণ রসদ নিয়ে ছুটে গেছে সমব্যথী হাত,
ভোরের রক্তের মতো ভালোবাসা মুছিয়েছে ক্ষত

কিন্তু এ-ধবংসের কোনো শেষ নেই আর,
পরিত্রাণহীন এক অলাতচত্রের পাড়
হঠাৎ সম্মুখে!

জানালায় জোড়হাত আপন্ন শিশুকে দেখে
গলবে পশুও;
মনুষ্য নামধারী দু'পেয়ে টলেনি।

ওদের হৃদয়স্থানে লোহা,
ওদের শোনিতে চিতাবাঘ
প্রধান শিকড় পুড়ে হয়ে আসে খাক তবু
ক্ষমতা আঁকড়ে থাকা রক্ত রাজনীতি--
ভোটের নাগর খোঁজে পাড়ায় পাড়ায়

এও তবে অন্য-ভূমিক্ষয়, নাকি চৈতন্যে প্রলয়?
এভাবেই বারে বারে দ্যাখা দেয় বিপন্ন বিস্ময়!

শ্যামলকুমার ঝাঁস

